

8 класс Нохчийн мотт		
Орфогра- фи	Таламан диктант	<p align="center"><b>«Ирсе к1охцал»</b></p> <p>Цхъана хъуьнхахь ехаш-1аш яра зу. Цуьнан к1охцалех цхъаь ирсе хилла, дикачу адамашна беркат дохъуш. Иза луларчу юьртарчу нахана хезна. Амма цхъаннеа хууш ца хилла, ирсе к1охцал муьлханиг ду. Т1аккха уггаре а сутарчу стага аьлла: «Вай и зу схъалоцур ю. Цуьнан к1охцалш дерриш а схъа а даьхна, х1оранна цхъацца д1алур ду. Иштта а хуур ду ирсениг муьлха ду».</p> <p>Цул т1аьхъа нах зу лаха бахна, цхъаь воцург. «Садолу х1ума ен а йина, даьккхина ирс суна ца оьшу»,- аьлла, ц1ахь 1ийна иза.</p> <p>Цхъана дийнахь дечке вахана и миска стаг. Наха лосьху зу т1ееана цунна. Адамийн маттахь йист хилла иза:</p> <p>– Хьайн догц1ена ойланаш а, хъанал дахар а девза суна. Сайн ирсе к1охцал ас хъуна д1ало. Зуламечу нахана со карор яц, - аьлла, к1охцал д1а а делла, д1аяхана зу.</p> <p>Мел лехарх нахана зу ца карийна. Ткъа воккхачу стеган керта ирс а, беркат а деана.</p> <p>(128 дош)</p>
Предложе- нехь дешнийн уьйр.	Изложе- ни	<p align="center"><b>«Дайн 1адат»</b></p> <p>Мацах цхъана юьртахь ловзар хилла. Луларчу ярташкара кегийрхой, баккхий нах а баьхкина, ч1ог1а тамехь д1ах1оьттинчу цу ловзаргахь, шина жимхина юкьахь хиллачу дар-дацарехь, цу шиннах цхъаь, шаьлта а кхетта, велла. Велларг ша цхъалха вехеш-1аш волчу воккхачу стеган к1ант хилла.</p> <p>Т1аьхъадаьлла орца а долуш, ведда вог1у х1ара куьгбехкениг веллачу к1ентан уьйт1а нисвелла. Къоьжа маж а йолуш, хено дакьийна куьйгаш 1асанна т1е а дехкина, шена хьалха лаьттачу воккхачу стаге дехна шен къона са дадийна веанчо:</p> <p>– Воккха стаг, ларамза, ца хууш, сан карах стаг вели-кх оцу ловзаргахь... Хьайн таро елахь, къайлаваккхаьара ахь со, орца ду-кх суна т1екхуьуш, – аьлла.</p> <p>– Схъавола сан х1усаме, ас лардийр ду хъан дег1 а. са а, – аьлла, жоп делла цуьнан дехарна воккхачу стага. Йоккха г1овг1а а эккхийтина, воккхачу стеган ков-керта кхаьчна куьгбехкечунна т1аьхъадаьлла орца.</p> <p>– Воккха стаг, – аьлла, д1адолийна шени къамел царех цхъаммо, – дош داشера а даьлла, иза девне а дирзина, шаьлта тоьхна хъан цхъаь бен воцу к1ант вий-кх хьенехеран ловзаргахь. Куьгбехкениг хъан керта эккхаш гира тхуна. Бехк ма биллахьара ахь, г1ар-г1овг1а яхьаш, тхо хьайн керта лелхарна. Галдевлла хилла тхо, хъан керта</p>

		<p>иза вог1ийла дац. Дала кечдойла хъан к1антана! Дала собар лойла хъа син-дег1ана!</p> <p>Цара деш долу къамел ша ма-дарра хезаш хилла шен са дадийна веанчунна.</p> <p>Гобина шена лаьтташ долчу адамашка собаре хилар а дехна, шен ц1ийнан не1арехъа вирзина, кхайкхина воккха стаг:</p> <p>– Хъаша, схъагучувала, хъан сина кхерам бац х1окху х1усамехъ, х1окху кертахъ...</p> <p>Корта охъа а бахийтина араваьллачу к1анте юха а вистхилла воккха стаг:</p> <p>– И цхъа г1орттор, и цхъа т1аьхье яра сан, со велча, сан тезет схъаэца йисина, т1аьххъара суна чуьра са д1адолуш сан б1аьрнег1арш д1акъовла виснарг и цхъаь вара. Йохий ахъ сан г1ала, д1аяьккхи ахъ син г1орттор, хадий ахъ сан орам... Х1инца маьрша ву хьо, цуьнан ч1ир лохуберш юха хъайна т1екхаччалц!</p> <p>Зиярт чуьра араволуш санна, 1аш волчу воккхачу стагана а, гулделлачу адамашна а шен букъ ца гойтуш, къайлаваьлла кхайкхаза веана хъаша. (300 дош) Д. Сумбулатов.</p> <p><b>Хъесап (план)</b>  Ловзаргахъ хилла бохам.  Лурвоьлларг веллачу к1ентан да волчу кхочу.  Хъаша ларвар – дайн 1адат.  Орца т1аьхъа кхочу.  Ирча кхаь  Воккхачу стеган къонахалла.</p>
<b>Предложен ин коьрта меженаш</b>	<b>Талламан диктант</b>	<p style="text-align: center;"><b>«Хи»</b></p> <p>Хи чуьра ч1ерий дохуш сакъералора Хъажмурдан. Къаьсттина ч1ог1а сакъералора цуьнан дай чу хьоьжуш. Шен воккхах волчу вашас бина жима дуо бара к1ентан хи чу буг1уш лелош. Дуьйрийн мижарг а, ягийна ма1а а, багийна хъаьжк1ан кан а, сискал а тосура Хъажмурда цу чу. Башха хи к1оргачу метте а ца буг1ура цо иза. Шалажа а дацара иштта доккха хи а. Маь1-маь11ехъ дог1ура и. Лохачу бердан к1ел, хи к1оргачохъ, дуо буг1уш меттиг яра Хъажмурдан. 1уьйранна а, сарахъа чу мossaза хьожу а, чабакх а, ирг1у а, ч1ерий дохура цо.</p> <p>Цхъана буьйсанна стигал къекъаш дог1а а деана, хиш дистира. 1уьйранна самаваьллачу Хъажмурдана хезаш яра дистинчу хино ен г1овг1а...</p> <p>Ши-кхо де даьллачул т1аьхъа, хи дистинчуьра чудоьжча, хъажа ваханчу Хъажмур-дана шен дуо ца карийра... (117 дош. Х.-А.Берсанов. «Вайн махкара акхарой а,</p>

		<p>олхазарш а.)</p> <p><b>Грамматически т1едахкарш.</b></p> <p>1. Билгалъяха коърта меженаш.</p> <p>2. Предложенешна юккъера схъязде дешнийн цхъаьнакхетарш, билгалъяха уьйраш:</p> <p>1-ра вариант-1-ра пред. 2-г1а вариант-5-г1а пред</p>
<b>Предложен ин коъртаза меженаш</b>	<b>Сочинени</b>	<b>ОГЕ-н кепехъ сочинени</b>
<b>Предложе- нин коъртаза меженаш</b>	<b>Таламан диктант</b>	<p><b>«Ло»</b></p> <p>Ло дог1у даккхийчу чимашца, массо х1ума а хьулдеш. Малх ма-кхийтти, гуча-м дер ду дерриге а... Вон а, дика а. Жаьмбикна-м гуттар а и иштта дуьйла хаъара. Х1инца санна ца хиънехъ а, геннахъ, кхетаман к1оргенехъ, ехара и ойла. Цо сецавора цхъадолчу некъашна т1е ца волуьйтуш. Хало-о-м дара иза, х1етте а и хало лан а лайна, т1ехъяьлча, декхна хетара денош а, буьйсанах а...</p> <p>Юкъ-юккъера екхна ю стигал. Мархашна юккъехула 1еначу беттан серлонехъ лепа чимаш. Куй д1а а баьккхина лаьттачу цуьнан коърта т1ехъ соьцу уьш, юха деша.</p> <p>Цо д1атуьллу куй. Т1аккха хъаннашлахъ 1уьллучу жимчу юърте б1аьрг бетта. Д1атийна юрт. Юкъ-юккъехъ бен стогарш а гац. 1аьржа г1аларташ а хилла лаьтта ц1енош а, царна гонахара бошмаш а. Тийна ю кхуьнан х1усам а...</p> <p>(117 дош. М.Ахмадов. «Мохк бегийча.»/</p> <p><b>Грамматически т1едиллар.</b></p> <p><i>Синтаксически таллам бе.</i></p> <p>1-ра вариант.</p> <p><i>Мархашна юккъехула 1еначу беттан серлонехъ лепа чимаш.</i></p> <p>2-г1а вариант.</p> <p><i>1аьржа г1аларташ а хилла лаьтта ц1енош а, царна гонахара бош-маш а.</i></p>
<b>Цхъалхечу предложен ин кепаш</b>	<b>Сочинени</b>	<b>«Нохчийн къоман зуда»</b>
<b>Предложе- ница граммати- чески уьйр йоцу дешнаш</b>	<b>Талламан диктант</b>	<p><b>«Цхъалла.»</b></p> <p>Буьйса. 1аьржа, тийна буьйса.</p> <p>Цхъалла...Г1орасиз, синтем байна цхъалла.</p> <p>Ма цхъаьна йог1у шуьшиь! Вовшах къаста ца луш, б1ешерийн дохалла ши йиша хилла схъайог1у.</p> <p>Амма яц шуьшиннан вовшашца я марзо а, я безам а. Ца ваьллачу денна д1акхоьхьу дахаран мур бу. Буьйса яьлла д1аяхча а ца юьту цхъалло...</p> <p>Берх1итта шо ду и шиь х1окху ц1ийнан дукъ гихъ схъадог1у. Айманис лерина луьсту шен дахаран х1ора аг1о.</p>

		<p>Ерриге а беса ю, цхъа а яц воккхаверан лар йитина. Дега1ийжамаш, хъешна сатийсамаш, дегайовхонаш. Ур-атталла, ирсан з1ийдиг тесна меттиг яц.</p> <p>И х1инца а инзаръюйлу шаьшшиннан дахаран некъ, кхин ца хедаш, х1окху хене схъакхачарх...</p> <p>Берийн дуьхъа лаьлла садетташ. Цара ницкъ а, доьналла а делла и хан яккха. Иштта д1аихна шераш... (111дош.)</p> <p>Грамматически т1едиллар. -Билгалъяхначу предложенешна синтаксически талламаш бе.</p>
<b>Ма-дарра а, лач а къамел</b>	<b>Изложе-ни</b>	<p style="text-align: center;"><b>«Оьзда мотт»</b></p> <p>Дайн орамашкара дуьйна схъадог1уш цхъа г1иллакх ду нохчийн – стаг верг а, стаг воцург а шен дашца къастош. Цигара схъадаьлла ду «Хъайн багах схъадалазчу дешан эла ву хьо, багах схъадаьллачу дешан лай ву хьо» боху кица. Нахалахъ айхъа мел аьллачу дашах жопалла ву бохург ду и. Далла а, нахана гергахъ деза, сийлахъ ду адамо шен меттан доладар я багах схъа мел долучу дешан оьздангалла ларъяр. Ткъа и мотт харц а, шалхонца а лебар, адамна бала хин болчу кепара бийцар даккхийчу къинойх, зуламечу лазарех ду.</p> <p>Дош хила тарло г1ийлачун, мискачун, дархочун дог-ойла хьостуш к1еда, мерза, аьхна, довха а, я г1ийлачунна хьовха, поп санна волчу къонахчунна а луьра а, къиза а. Меттан хазалла а, меттан говзалла а гучуяккхар магийна ду вайнехан 1едалехъ. Далла 1ибадат деш, йо1е безам балхош, адамашна юкъахъ лелла дов дерзош, ч1ирхошна юкъахъ масла1ат деш, да-нана хьостуш.</p> <p>Оьзда мотт бийца стаг шен бераллехъ дуьйна 1ама веза, баккхийчаьрга ла а дуг1уш, цьргара масал оьцуш. Хала делахъ а, иза дахарехъ ца хилча йиш йоцу уггаре а коьртаниг ду. Оьзда мотт адамийн юкъаметтиган дакъа хилла ца 1а, иза вайх х1ораннан сица, кхетамца хила дог1у жовх1ар ду. Цо г1о до оьзда боцчу нехан лаамна к1ел ца воьдуш, цунах ларвала а, шен дахаран новкъахъ ц1ена чекхвала а. (Уциев А.Х.)</p>
<b>Грамматически талларш</b>	<b>Талламан диктант</b>	<p style="text-align: center;"><b>«Ненан дарбане куьг»</b></p> <p>Цхъана ламанан юьртахъ дехаш хилла наний, к1анттий. Кху дуьненахъ яккха шен оьмар чекхьяьлча, нана д1акхелхина. К1ант ша висна. Т1аккха ц1еххъана иза азвала волавелла, кертахъ даа-мала шортта доллушехъ.</p> <p>Дарбанчашна а, х1ума хуучу нахана а т1екхийлина иза гергарчара. Амма дарба карош ца хилла.</p> <p>Ницкъ а эшна, метта охъавижина к1ант. Кхин дан амал а ца хилла, махкахъ а дика вевзаш, ц1е яханчу шайхана т1ебахана цуьнан гергара нах. Шайхе д1адийцина ма - дарра. Шайхо аьлла:</p> <p>– Цунна токх нанас шен куьйга бина кхача а бен ца хилла.</p>

		<p>Иза толур ву, нагахь санна аша цуьнан ненан куьг кхетта кхача баабахь. Кхин дан дарба дац цунна. Кхача а кечбина, ненан коша тle бахана вуьйш. Каш а аьхкина, шаьш беанчу кхачех ненан дакъаделла куьг хьакхадалийтина цара. И кхача к1антана хьалха биллина цара. Вукхо биьна. Цхьа-ши де далале, то а велла, меттара хьалаг1аьттина к1ант. (133 дош)</p>
Карладакк хар	Шеран талламан диктант	<p style="text-align: center;"><b>«Кехат»</b></p> <p>...Маьрк1ажал т1аьхьа ц1акхечира нана. Цецъелира иза гинчух. Йиттина ирхьоьхкина берийн бедарш, чохь юучух хаза яьлла хьожа, бовхачу маьнги т1ехь ловзу ши к1ант.</p> <p>-Дукха яха хьо! Хьо-м х1инца аса цадийриг а деш, йоккха ма хилла. Хьан да, ц1аваг1ахь, тешар а вац, ахьа иштта г1уллакхаш до аьлча.</p> <p>Амма йоь1ан б1аьра хьаьжча, ненан бос хийцабелира. Йо1 т1орказ чу хьаьжний а, цо цу чуьра кехат дешний а, хиира.</p> <p>Кехат нанас Х1азанах лечкьоран шен бахьана дара. Нанна дика хаьара, Х1азанна шен сил а дукха да везийла. Тидаме эцнера баккхийчийн санна йолу йоь1ан амал, ойла, мотт. Цундела йо1ана, и ирча кхаь хезча, цхьа х1ума хиларна кхоьруш ца аьллера нанас да валарх лаьцна. Хан яьлча, х1ума ширло, цул т1аьхьа сатоха хала цахир-кх аьлла, дитинера...</p> <p>(115 дош. С.-С. Саидов. «Мажьелла кехатан цуьрг.»)</p> <p><b>Грамматически т1едиллар.</b></p> <p><i>Синтаксически таллам бе:</i></p> <p>1-ра вариант -1 предл 2-г1а вариант-7предл</p>
Карадаккхар	Тест	<p><b>1-ра тест.</b></p> <p><b>Дешнийн нийсаяздаран бакьонех олу:</b></p> <ol style="list-style-type: none"> <li>1.) грамматика</li> <li>2.) морфологи</li> <li>3.) орфографи</li> </ol> <p><b>2-г1а тест.</b></p> <p><b>Карара уьйр хуьлу:</b></p> <ol style="list-style-type: none"> <li>1.) шина кепара</li> <li>2.) кхаа кепара</li> <li>3.) еа кепара</li> </ol> <p><b>3-г1а тест.</b></p> <p><b>Кху дешнийн цхьаьнакхетарехь бартбар уьйр ю:</b></p> <ol style="list-style-type: none"> <li>1.) аьхкенан де</li> <li>2.) хаза аьхке</li> <li>3.) хаза лаьттара</li> </ol> <p><b>4-г1а тест.</b></p> <p><b>Кху дешнийн цхьаьнакхетарехь урхалла уьйр ю:</b></p> <ol style="list-style-type: none"> <li>1.) аьхкенан де</li> <li>2.) хаза аьхке</li> </ol>

3.) хаза лаьттара

**5-г1а тест.**

**Кху дешнийн цхьаьнакхетарехь т1етовжар уьйр ю:**

1.) аьхкенаан де

2.) хаза аьхке

3.) хаза лаьттара

**6-г1а тест.**

**Нохчийн маттахь коьрта меже:**

1.) кхоь ю

2.) шиъ ю

3.) цхьаь ю

**7-г1а тест.**

**Кху предложенехь подлежащи дац:**

1.) Арахь хаза лаьттара.

2.) Арахь ло дог1у.

3.) Арахь стоьмаш боьхкира.

**8-г1а тест.**

**Кху предложенехь сказуеми дац:**

1.) К1айн 1а.

2.) Схьакхечи шийла 1а.

3.) Г1а доьжнера.

**9-г1а тест.**

**Кху предложенехь ц1еран х1оттаман сказуеми дац:**

1.) Шийла мехаш хьоькхура.

2.) Арахь шийла яра.

3.) Шозза диъ барх1 ду.

**10-г1а тест.**

**Кху предложенехь хандешан х1оттаман сказуеми ду:**

1.) Арахь ч1ог1а стигал къекъара.

2.) К1антана г1ан гора.

3.) Сан вешина книга еша лаьа.

**11-г1а тест.**

**Караде г1алат:**

1.) Саь1йд Бадиев-яздархо ву.

2.) Хазалла-сарралц, дикалла-валлалц.

3.) Къахьегар-сийлалла, болх цабар-сонталла.

**12-г1а тест.**

**Кху предложенехь хаза боху дош къастам бу:**

1.) Хаза йистхилира къона зуда.

2.) Хаза къамел дира цо.

3.) Хазаниг т1ееара.

**13-г1а тест.**

**Муьлхачу коьртазчу межено гойту дар, хилар:**

1.) къастамо

2.) кхачамо

3.) латтамо

**14-г1а тест.**

		<p><b>Кху предложенехъ нийса кхачам бу:</b></p> <ul style="list-style-type: none"><li>1.) Цуьнан б1аьргаш хих буьзира.</li><li>2.) Бовхачу малхо чох серлаяьккхира.</li><li>3.) Сийначу стиглахула к1айн мархаш йохлура.</li></ul> <p><b>15-г1а тест.</b></p> <p><b>Х1ара предложени билгалза-юьхьан ю:</b></p> <ul style="list-style-type: none"><li>1.) Б1аьстенан мохо эсала техкадора кьона синтарш.</li><li>2.) Туьканахь стоьмаш а, хасстоьмаш а боьхкира.</li><li>3.) Тахана тхьогга дуьйлийша.</li></ul>
--	--	--